

去瓊樓玉闕不勝寒

贈趙縣尉

半斤雷火燒紅杏一滴露珠凝碧荷錦帳中間藏玉狗寶瓶裏  
面養金鵝鉛花朶朶開青蕊未葉枝枝發絳柯莫問嬰兒并姪  
女等閑尋取舊黃婆

贈趙翠雲

金公姪女到黃家活作蒼龜與赤蛇偃月爐中烹玉蕊朱砂鼎  
裏結金花奔歸氣海名珠驥飛入泥丸是白鴉昨夜虎龍爭戰  
後雪中微見月鈎斜

贈雷怡真

道藏輯要

白真人集二

望

婁集二

地魄天魂日月精奪來鼎內及時烹祇行龜鬪蛇爭法早是龍  
吟虎嘯聲神水華池初匹配黃芽白雪便分明這些是飲刀圭  
處漸漸抽添漸漸成

贈天慶觀

買得羅江一葉舟功名如蠟阿休休我無曳尾乞憐態早作灰  
心不仕謀已學漆園耕白兆甘爲關令候青牛刀圭底事憑誰  
會明月清風爲點頭

題嶽祠

南來一劍住三山分得平生風月權雖宰旌陽應施藥本求勾  
漏爲修丹蒙莊且慕漆園祿李老當爲柱下官我視榮華真慣

見何如早煉碧琅玕

題紫芝院

武夷山前嘯一聲雲愁霧慘野猿驚  
閑披破衲藏風月醉把葫蘆禁鬼神  
杖弄銀蟾攪天地夜烹金鼎煮星辰  
睡酣不覺機關露身是紅光火一輪

景泰山人送友人

白雲影裏話三生起坐相從夜共行  
誼與雲天高也薄道於秦華重耶輕酒  
非貪飲誰知已詩不求工貴適情但使忘  
年成莫逆何須肉袒負渠荆

嘉定甲申閏月五日輓歌

道藏輯要

白真人集二

三

真集二

唳鶴啼猿怨滿懷煙葵露槿淚盈腮  
一鈎桂月千林黯半夜松風萬壑哀  
不御六龍昌寶祚遽驂八駿駐瑤臺  
小臣泉石膏肓了無任冰肝玉膽摧

見浙翁琰禪師

謂師有道國人皆何必文殊更五臺  
棒喝交馳聊復爾離微不犯亦奇哉  
且言風動還幡動莫問船來與陸來  
不道相逢不相識儘教寒拾笑哈哈

奏章歸

玉殿朝回夜已深三千世界靜沉沉  
微微花雨黏琪樹浩浩天風動寶林  
烟鎖崑崙山頂上月明娑竭海中心  
步虛聲斷一回